

6107 5

41

23 ' T 5476 .3 / 83B

5581.8203



御製詩二集卷之三十五

古今體一百二十首

壬

六月四日侍

皇太后觀荷成詩一律敬書筆頭以獻

軒憑香錦漾空明四啓冰疏暑氣清永識承

歡復承訓所欣時雨更時晴延年那藉金仙

露愛日偏宜赤帝庚試看瑤池琪樹下按歌

來者董雙成

池上居



消夏偏宜池上居銀塘碧浸入窓虛竹涼響
遞迎風際荷淨香聞過雨餘逐伴飄來新紺
蝶成羣分出小秧魚天機觸目通幽顯默識
無如讀我書

詠玻璃窓

樹搖風不到晝靜暑如逃視遠渾無礙觀空
徒爾勞

詠史

戰國多說客秦漢風尚存茅焦感始皇鄒陽

悟長君知心以說當秘訣韓吃論觸讐悅燕
媪或嘉納牖言苟其盡忠款詎在口給便帝
堯斥噐訟視子共驩倫

壽原任大學士龍翰傳先生八十初度

光霽由來衆式觀絳帷黃閣領儒冠身名應
擬濟南伏年德原同沛下桓松鶴作朋還侑
酒孫曾繞膝合加餐還丹益算何須藉兩字
傳經永不刊

雜詩

適日間陰霽溽暑頗蕙情朝來西北風長天
豁快晴樛樛竹柏間晷影上砌平消息無停
機寒暑有代更萬理注義文詎待韋編橫
蜻蜓立釣絲不識羨魚意鳴鶴在松陰各有
樂山志萬物具理趣於我原皆備致遠或扞
格且盡目前事

蟬聲喜高樹螢光隨腐草一般皆動物適適
惟自曉曰水胡流濕曰火胡就燥日用或不
知何況人情渺

三王無同道解張琴乃鼓五帝有同心無逸
以為所同者今豈異不同古可睹循名或失
實致敗難縷舉寄語持政人毋易由言古

同諸王及大學士翰苑諸臣觀蓮六韻
明廷咨政暇上苑對時良載賞雲霞卉言携
鴛鴦行含飈承筍席微露墜銀塘綉錦方迎
日揚檀正納涼鏡中粧蕤約畫裏鬣芬芳共
喜蒙多祐相期戒匪康

董邦達松澗雲嵐

律製言二集 卷三十五
動者雲容靜者松妙無動靜者層峰設如屨
步竒深處應有佺喬驀地逢

鄒一桂秋塘釣艇

煙篷泛澗弄竿綸蓑笠飄然意可親比似仲
舒三策裏我猶未免羨魚人

徐揚澗筑松濤

落落長松水閣虛橫琴高士靜憑餘不知弄
者伊何操鄙忌名言獨起予

汎湖翫月二首

弦月擘雲匡依依盈手光暫教拋秘卷便與
汎輕航秉燭漫遊夜開篷喜納涼無為縈夙
昔乘景且徜徉

素彩醒吟眸滄池載拍浮光如凝露晶魄不
挈波流螢點亂燃夜蟬聲暗報秋未能學謝
客歸後復登樓

海東青行

鷲鳥種不一海青稱俊絕摩空健翮上層霄
千里下擊纔一瞥當其脫鞵始縱時風力未

御覽詩集卷三十五
會遲飛掣羣燕綠撲或墜落何異淮陰胯下
氣且折鷹鷂之雛可罹置海青之雛得未逢
聞之育卵大海東追逐天鷲入雲中迴顧忽
失故國踪海東青爾不遠為利爾不高騰空
安得受制於人垂頭仰飼居樊籠王孫莫恨
未央宮

題張宗蒼畫

雲巘縱橫幻復真樹頭樓挹遠山斂浮來濕
翠迎睂宇始識傳神梅道人

麥收

麥收登困鹿市價賤食新黍禾亦遍秀油油
高下勻此際時雨暘西成萬寶臻十歎而一
豐孰不希鴻恩邇日雲屢作踊愁行潦頻少
雨便開霽慰志旋生欣乃知經事多翻成畏
事人

去歲河溢豫魚子遺涸田直沽沮洳鄉多蝻
自年年近聞孽類孽晉捕命亟頒盡力除患
始毋致日蔓延或云不為害吾詎信諛言或

云歲常有吾豈諉應然因捕致傷禾吾已命
賜蠲或云吏下鄉民費雞黍錢蝗過幸不食
捕蝗有甚焉吁嗟苟姑息嘉禾忍棄捐善政
扞格多抑亦難兩全

螢六韻

近濕不礙朗匪燃却常明腐草含變化陰火
發晶熒安知燭也微何殊炬之行翾動翼足
兼光暗外內爭恨添閨中婦勤益帷下生火
流夫豈遙以爾為先聲

河亭對雨

陣雨斜飛抹屋簷好教淨洗迫人炎池亭坐
愛空濛意不礙生衣一領添
高樹斜陽霽景清須臾蟬曳晚風聲荷珠紛
落猶無定暎水平分蟬螿橫
颯爽溪山入畫圖魚鱗欲盡碧空鋪今宵魄
影應清絕便命蘭橈一泛湖

昆明湖上

夏日宜泛舟泛舟湖欲寬夜晴晨露灑水遠

行樂詩集 卷三十五
暑風寒漾漾入空明四面山光攢騁目見千里秋意示倪端載舟懷靡及乘景興未闌菰蒲彼何知對時都覺歡

玉泉山即景

第一泉邊舊建園書堂灑落遠塵喧便教小住慢言去每喜尋流遂得源山鳥窺人白晝靜庭松閱歲綠陰繁天機道筦何曾閱箇趣伊誰善體存

翠雲堂雙栝行

齊為弟兮夷為兄樹中之聖聖之清盤盤虬榦一庭翠六月秋風滿座生故宮却見層楸上遺蹟金元空悵望爾時歌舞對春韶不誇雙栝誇花放離宮沿革率非舊叶閱歲佳陰蓋數畝難兄難弟標雙清同林雜植無其耦屈之久者信之長後老生意方堂堂不見堤柳及陌楊十年成蔭百年僵

命張宗蒼做吳鎮筆意圖成詩以題之神韻無少欠溪壑不大似善師古者然可以

悟凡理

華黍

六月十日

華黍應秋令雨暘時致早湛湛凝露滋離離
含旭皎路客欲遮騎農夫已驅鳥課田幾多
年額慶逢佳兆前訓凜歌器遙心期萬寶

平安月鏡居壘舊作韻

室舫編湘竹天然君子居三庚又依爾一鏡
乍輝如籟爽生斑翠波光浸碧虛沙江懷古
詠餅子好裝藥

雜英

雜英莫較名專榮繞間砌女夷小試手技癢
那能閱風前態欲仙露下情如醉娛娛綠珠
粧灑灑道韞思蜂蝶去亦可蟋蟀來不避奚
以憶春翹於烏驗秋意

季夏篇

三庚火伏胎商金尊收宛轉素節臨大河雨
過星斗沉一夜露白芙蓉心晚來颯爽生衣
襟萬里片雲無處尋宜暘禾黍綠塍錯村行

即漸聞銅雀摘毫擬待歌農樂

鳳凰墩

渚墩學黃埠

在錫山之陽四面
臨水此墩適相肖

上有鳳凰樓

一鏡中懸畫四時長似秋山容空外秀波態

席前浮何事三山遠還期佺羨遊

題董邦達山水十二幅

泉音松吹

淙淙謾謾動中間松吹泉音應答間一與耳
謀飛逸興依稀昨歲坐寒山

烟巒曉色

背山面水草堂便侵曉高人尚穩眠宿雨初
收曉烟泮瀟湘妙境米家傳

峭壁迴瀾

江橫壁立似區分絡以林端暎帶雲恰是斯
人能寫意相遭風水自成文

林塘晚泊

斜陽返景下漁梁野艇歸來罷響榔晒經收
綸無箇事一天雲水好風涼

德貴言二集 卷三十五
夏山欲雨

靉靄連山山靄昏冷風一谷樹頭喧此時點
筆翻嫌拙佳句何當讓許渾

芙蓉滴翠

剌削英英陸地亭萼不萬態摠曾青餘杭香
錦無煩數佛鉢中間悅性靈

石磴凌空

逶迤平林帶葉枝危峰拔地忽欽竒巉巖疑
有髯仙步想見山鳴谷應時

松谿幽軸

樹落茅邁足菽形好山層疊翠為屏碩人樂
此非逋客岫戶雲關湯自扃

江浦歸帆

三峽無風浪起堆浮家已慣不驚猜收帆拍
點斜陽道穿過瞿唐灩澦來

亭臯秋霽

雲收氣霽恰秋初徙倚孤亭眄碧虛寂是胸
中消芥蕙長空無盡意還如

雲泉澗閣

溪頭架閣倚層楸水態山光入綺寮只可相
携漆園吏此間位膝注逍遙

千林欲雪

寒天黯淡凍林愁結撰真非畫者流何必粉
皴方是雪別開生面突營邱

賦得風動萬年枝

五言六韻
得名字

琪樹因風動揚猗禁籞清萬年徵壽永三秀
應祥生散影花輒靜延暉珠綴明每從觀作

止便以較陰晴愛睹鸞鸞態徐聞鳳嘯聲奚
稱漢武帝林苑獨標名

聞蛩

六月十日

晚涼豪興生刺舟載明月心託碧琅天身在
水精闕何來在砌蛩振羽數聲發協候方朱
明審音報商越通靈信物類不與惟時節來
者復無住知然却怡悅

率言

極大巨靈掌開山極小巨靈身七寸極大鯤

魚幾千里極小鯤魚蟻子分一物變幻尚如
此千秋是非誰定論

青龍橋西

擬向名山盛暑消石橋西畔又鳴梢便教馬
上逢新喜一路香風暢穎苗
欲鳴銅雀熟催田高下如雲秀實全所冀雨
暘時一月今年可卜勝常年

夏日香山靜宜園即事四首

別業非遥便往還蘭樹迤邐闢雲關看山延

得半齋爽迨暑權因一日閒鶴領誰來調弱
羽鹿希革後長新斑書帷何必韋編展大地
羲爻注此間

綠樹成帷白玉臺每從疏隙見崔嵬蕙蘭草
是三湘佩茉莉花原六月梅幽籟靜中觀水
動塵心息後覺涼來梨園小部翻嫌鬧此處
惟應泉石陪

碧宇雲徂喜快晴方方綠野待西成璘瑤山
蝶隨風去翻馥阿蕪過雨生松牖憑虛千里

直芸帷寒月一鈎橫
愛看班史消長夏三策
江都語窳精

黛峻親切挹山光
納爽從容步夕陽
野果墜煙紅
琥珀新篁敲露綠
琳瑯間雲歸岫連峰
暗飛瀑垂空
漱石涼自我皇皇
法堯舜輸他坦坦
傲羲皇

曉遊香界寺即事雜詠

香界山莊一嶺分清遊
減從羽林羣
趁涼侵曉盤層磴
恰見紅丸上海雲

迴巖宛轉試躋攀
不辨東西片刻間
却為張公五里霧
忽藏白傅一區山

崔峯直俯萬峰巔
一谷村墟隱白縣
幻景今朝真盡態
天衣風動又高褰

寶珠洞高高且深
精廬不受織暑侵
數我竭來凡幾度
分明壁上勒前吟

露草烟蘿清馥交
到來一晌坐雲巢
誰云佛法忘嗔喜
開牖歡心滿四郊

勝地幾閒可憩遲
登高望遠亦相宜
卧波拍

行集言一集 卷三十一
點廬濤近伏汛隄防塵此時
華黍風香遠近迎窠欣碧宇似秋晴花宮迴
首忽如失只有鐘聲林外清
鳴鞭出谷日三竿澗水無聲隱石灘為有餘
閒無愛爽陳操健銳試臨看

靜室

為因避暑登高處中使肩輿汗已淋雖是崇
椒延爽別有慙以已度人心
天風拂袖颯然涼中有清芬百和香擬待夕

陽方下返偶然試閱小年長

擬古詩

有序

三百篇而下言詩者以古詩為宗舊為
十九文選分為二十後來擬作若陸士
衡劉休元諸人分合不同半全各適然
率求之詞致聲調意在肖似耳夫擬古
詩如臨古帖不必似不必不似有意求
似未有能似者也書不云乎詩言志此
詩之源也泝源而達之放乎四海化工

之造物豈枝枝葉葉而為之者哉善夫
蘇軾之言曰作詩必此詩定知非詩人
此予擬古之志也

擬行行重行行

人生無貴賤誰能免別離貴者厭契濶眷屬
或挈隨賤者乏勢力願戀徒噫嘻矢志薦前
盟執手訂後期亭屯縱殊地要在尚可為其
不可為時解攜真解攜

擬青青河畔草

王孫不知期河畔草盈掬少婦曷有括園中
柳條綠霧帔已恤削風帶仍結束君子今何
之豈不念幽獨莫以顏似花而忘德如玉

擬青青陵上柏

松柏生高陵鸞鶴所翥翔芙蓉出綠沼鴛鴦
相徜徉自古有會宗三都及兩京春色滿皇
州遊子忘故鄉高樓酒把灑康衢塵霏香朝
飲挾娥嬪暮遊陪金張暮暮復朝朝行樂何
渠央

行樂言二集 卷三十五
擬今日良宴會

今日復何日美難良具并吳僮垂手態越女
過雲聲愉者意氣揚悲者慷慨增聽音非宮
商所貴能移情況引逸爵飛翠釜行侯鯖好
樂莫孤時蟋蟀尚未鳴麻姑倩搔背奚慮王
方平

擬西北有高樓

高樓一何迴西北來天風綺疏張四面雲霓
飛三重其上何所置笙歌羅綺叢中有窈窕

人含悲獨無悰毋乃賣餅妻離弦感曲衷一
彈懷卷施三嘆置絲桐仰望層雲間愧彼雙
飛鴻

擬涉江采芙蓉

言入深波曲采彼芙蓉花綠柄在我手白絲
裊且斜感此懷所思道路阻且賒可思不可
見莫覲空齋嗟

擬明月皎夜光

惟月生於西金行故益皎始出東山上漸歷

銀漢表暎水光帶寒，麗午輪收小竅能引悲。
思乃至，聞蟲草芳蘭逝，將萎蟪蛄啼未了時。
節不我與，胡不薦情好，翻雲覆雨流詎識斷。
金道

擬冉冉孤生竹

雙竹相扶持，孤竹乃冉冉。獨立憶其侶，颯沓
秋風慘結禱。向猶念乘垣，初豈敢而胡相棄。
捐烏能置，情感亦何為。不可追者時，憂
傷易成老。加飯留容姿，容姿苟未衰，會有相

見期

擬庭中有奇樹

中唐有蒼筤，因風送芬遠。所遲遙未歸，持此
共誰遣。折榮擬寄將，芳歇英亦損。山川每多
阻，時節忽易晚。

擬迢迢牽牛星

人間有別離，天上豈獨無。億萬百千歲，漢女
懷星夫。渡河非不能，天度不可踰。豈彼七夕
臨，永思終莫攄。促曉恨天雞，失林擬夜烏。

行集言三集 卷三十一
擬迴車駕言邁

僕夫戒行李駕言升輕輿所志在四方豈必
眷妻孥朝待金馬門莫登承明廬季子嫪悔
罪買臣妻歎愚丈夫志既得安足論區區勒
名沉諸淵惟慮久或渝

擬東城高且長

東城何其高透迤連雉堞城中多華屋朱樓
凡幾疊君看歌舞地人去空落葉及時不行
樂盛衰悲轉睫歸來丁令鶴夢失莊生蝶

擬燕趙多佳人

燕姝寧臺舞趙女邯鄲步閭易美服飾曼睩
工盼頤不豐亦不約宜喜復宜怒古來已稱
絕漢武寄餘慕當戶理瑤琴能譜相如賦

擬驅車上東門

洛陽上東門門外連北邙陰風一何淒柏廷
夏亦涼富貴及貧賤摠歸埋恨場黃壚即厚
夜潛寤浩劫長續息龍失翰衡輕蘭歌芳虛
名付史策真偽已莫詳察察讀史者又誰別

仙夢言 卷三十五
臭香水碧率悞人蓬海浩茫茫何如悟達生
隨時愛景光

擬去者日以踈

昨日不可追今日聊相依一日復一日百年
有盡期大椿及朝槿脩短或少差末路就枯
焦一例蟲生之及時稍遷延老大空餘悲

擬生年不滿百

百年人大限如其壽者鮮試問百歲人定云
多益善何為憂千載戚戚眉莫展勸汝展雙

眉親串咸在茲良辰復美景品竹彈清絲去
者莫須憶縱憶安能知

擬凜凜歲云莫

元冥司朔令節宴月窮紀木葉落歸根河水
凍連底青女剪碎瓊散作冰花蕊不樂復何
為太康戒無已既命兎園宴亦念東郭履宵
長致良佳帳冷梅花紙宿昔同衾人長眠呼
不起是非翻來遲入夢輒歡喜三年夢不來
沉痛嗟何以

行黃言二集 卷三十五
擬孟冬寒氣至

平在臨和叔蟋蟀入牀下朔風變嚴律悽聲
來四野夜明散冷光輪小碩兔寡感序自怍
怍為憶知心者睽阻幾千里攜潤已三夏朝
來誰叩門雙鯉忽在把重緘不忍開翻恐愁
懷惹

擬客從遠方來

日日望遠客居然來我前一日比三秋三秋
九十年邂逅適我願不語已如蘭傾蓋勝新

知班荆續故歡車笠尚義氣區區安足言

擬明月何皎皎

何來明月光照入紗窗碧盈手餘清輝印心
遠塵跡人生境遇殊鮮不為物役歡聚尚多
戚而况行邁客惆悵感駒馳躊躇望簷隙

熱

大雨覺過優朱明幸快霽繼以連日暴赫曦
勢頗熾多稼固宜暄耘者苦炙背叶而况城
市買品避暑應無計乃知鮮全羨安得咸滿意

林園足清涼鬱燄尚猶厲念彼瘴暘人切切
愁不置德信縱炎官政平誰酷吏晚來爽風
奏金行消息至協時誠萬民觸緒敬吾事

江山勝覽歌題張宗蒼做黃公望長卷

見豹一斑霧變可以識全皮嘗肉一臠鑊中
之味知無遺金山昨春俯汗湯爾乃西溯蒙
汜東竟扶桑枝指點長江源委應於茲我非
山人無事者羨彼豪遊萬里攬勝輒復命筆
寫十年之久始成圖五日一石非虛也相投

意氣誰知音吳門高士俛雲林作詩酬倡識
歲月早必妙蹟貽來今今時宗蒼亦老手展
圖示之咨爾能臨否其工可能神不能此語
還應出諸此人口經營慘淡閱月餘我謂神
來宗蒼猶請遲斯須粗皴疏點不數筆現前
真蹟水乳如乃知三鬣信有諸忽睹浮玉朱
欄扶何須縷辨夔峽及蕪湖

立秋日作

披風陡覺爽而便少昊司秋信有權且喜民

情無怨暑更因穡事冀逢年三星已向玉衡
直一葉乍飄金井前望雨今朝無望霽農占
立秋
日雨而即晴
為豐收之占故知兩美致難全

七月朔日作

坤維大火流朱明序忽易欲起涼風遲未處
殘暑迫茲日乃孟朔望雨心轉劇更恐致霖
霪雨即晴始適譬人祈予恩兩美期必得即
予亦難之於彼曾何益明知而故蹈造物豈
汝役

麥收實倍豐大田苗亦茂縱饒憂於先未覺
樂於後邇日異常燠曰豫旱自咎義車歷西
陸鬱煖漸宣透清氣蕩暄蘊浮雲出峰岫所
冀盡滌炎與物樂佳候

夜雨

半年雨暘時夏末乃望雨滌暄蠲病疾沛澤
利藿黍枕上聞殷雷心怦寔寢處祇愁勢不
優為時果刻許涼風未宣暢何以消煩暑怨
咨民恒情思艱實慙汝

晚蟬

晚蟬因熱勢偏張誰道枝頭解喚涼世上儘多趨熱者湯言我亦愛義皇

微爽

微爽遙山送雨餘畏炎人意較前舒候符歲

序嗟如駛德信農功怒切予

呂氏春秋秋之德雨雨有信斯

穀五日占期洵已迫半年慰望恐成虛近西

傍晚無雲作瞪目頻勞忘所如

不謂當秋轉望霖憂懷真與日俱深蝸行側

壁盤乾舍龜坼高原萎綠針雨喜空教傳自

昔農艱更識有如今前宵細灑誠何益佇待

盆傾一沃心

新月

西宇分明麗金行初度看標形權示曲韜采

本來團離畢空希雨流波不礙寒木蘭聊遲

去載屬我興方闌

詠玉環

出璞知何代為環見此珍同心連翠紐映手

疊文鱗圭璧思君子金蘭結好賓玉工言似
是幾誤楚荆人

雨七月七日

信有靈徵為洗車襄雲只慮散風餘稍蠲隆
蘊仍依爾未致優霑益惕予沛勢注眸看欲
倦響聲屬耳聽成虛殷雷幸薄黃昏作入夜
甘膏待渥如

即事

畿輔二麥倍常收一律秦晉豫齊州南省亦

復雨時若方期額慶逢登秋較量早晚便如
意自幸今年勝徃歲如何夏杪更望霖入秋
轉覺炎蒸繼近聞待澤逮淮揚晚田岸水農
夫傷五日之期又逾再真教一刻千金償贍
雲卜度心增憫調幕多慙德不敏盛滿戒吾
亦何辭饑饉切民其奚忍

雨七月初九日

雲容舒復卷雨勢疾還徐諸癘全驅彼一心
真沃予更無秦越處那有玉珠如金帝穰堪

卜炎官赫已祛優霑方幸繼警惕敢忘初南
望頻縈慮維揚可逮諸

再詠玉鞞

蓬矢桑弧識舉男賦詩言射我需諳鈞弦易
挽鈞盈六辨製底須朱極三終不可謾惟令
德佩之無斁豈虛談環中內外光明瑩一氣
渾融萬理涵

靜安莊酌酒

久踈桂酒奠瓊甌節物空驚駒隙適擬送長

行安丙宅

以壽官卜築需時茲因
工竣擇於十月奉移

那堪來別

值辛秋中年哀樂其多矣一種情懷可耐不
慟罷灑然差自信歸居曾未負從頭

趨庭不見兩年更生汝那堪送汝行

亦擇九
月中送

皇長子定安親王歸
其園寢便中賜奠

此際還教撫秘器他時

惟許望佳城痛來今日誠何日淚灑緣情不
盡情了識人倫是悲種擬從調御懺無生

高梁橋泛舟至昆明湖之作

長河舟進趁晨涼兩岸蟬聲越靄蒼望雨畏

燒消半月湖光今日作秋光

早田可卜收無礙晚種惟期過半收失望生

愁過望喜人情那得免隨流

未踰五日畏炎官破曉河風又怯寒不與惟

時過去易無恆者意測來難

賜錢陳羣歸里時陳羣有反穀之疾詩

以寬其意

三尺素所滅二豎胡為作予告遂頤和還鄉

諺如約浙江嘉禾長水陸辭意懇款請詩應

塘俗名還鄉水

允諾憐汝身日羸壯汝神猶鑠達生有至論

庸醫無大藥辟穀方赤松先難後原樂

泛月

四時秋月佳辜負誠可惜涼雨已驅炎晚田

略被澤明蟾如有約繫我素莫逆容與浮輕

舟蕩漾鏡光碧雲容欲就閒蛩音不待夕代

謝詎少假瞥過思何益

題鄒一桂花卉卷

碧桃

此是西池千葉春風前灼灼復蓊蓊如何不
結枝頭實仙種應慳付與人

梨花

檢枝韶光到幾分膩情蜂蝶鎮紛紛黑甜若
到真香所小院梨花是夢雲

薔薇

閻易衣裳紫間黃卉中仙號杜蘭香莫嫌偏
有稜稜刺未許人輕近砌旁

虞美人

血洒郊原化草芳楚歌一曲至今傷重瞳叱
咤歸何有未及盈盈弱質強

紫藤

婉孌偏依松柏枝却緣劉介得揚猗紫絲步
障如平展藉與凌空作幕垂

罌粟

擎來百琲玉盤羅愛是佳名瑞應禾二圃設
誠供宿飽只虞其少不虞多

白榴花

海南卉木有奇珍冰樣丰姿玉樣神不把丹
砂枝上煉學仙恐誤後來人

梔子

色馨自是通身淨風露由來滿意涼黃蝶不
知花厭鬧尋香時復過橫牆

牽牛

睨彼幽姿籬落旁露蟲相吊倍淒涼碧天夜
瀉銀河水引出相思蔓許長

剪秋羅

七襄誰道不成章一霎秋風滿院芳爾許何
多費裁剪天孫為製嫁衣裳

秋海棠

墻陰血淚化柔枝略似春芳縷縷垂一種幽
情依露草花鈿委地憶當時

芙蓉

淺紅合間荻蘆蒼秋老洲前解拒霜最是蕭
風涼雨下十分畫意入瀟湘

菊

姓名合在高士傳品格從標晚節花五柳何
嘗信貧約金臺玉盞醉流霞

藍菊

結隣亦得近東籬瑣碎離披秋晚時設使羣
芳譜名氏無過充隱埒希之

梅

逃禪去後應無畫處士吟來合罷詩詩意畫
情真趣在問誰粉本得成茲

今春偶為古
墨梅曾命一
桂

撫為設色圖
故戲及之

御製詩二集卷之三十一

古今體七十七首

壬申六

塞上秋蒐奉

皇太后自圓明園啓蹕六韻

玉塞行時獮金旌發曉秋詎緣循徃例實用
贊

先猷蹕拍山莊駐章馳驛路郵宵衣無內外

歲事切咨諏

慈履欣康健民歌協豫遊鞞鞭成五字記里



又從頭 過清河橋

春夏雨暘時過望豐可致三庚忽愁旱霖雨
未霑清民瘼無可諉切切增愁愧秋巡值啓
蹕心廛仍農事清河度石橋所見覺稍異蕎
豆仍芄苗黍梁多碩稔詢之鄉三老云尚勝
去歲初希雖不滿後憂畧堪慰愛物
天地德益凜盈虛義

聞淮南得雨

封章卜度始開函澤被清江半尺甘咨穡喜
霑遲種五課時猶及伏庚三正因久待忻生
慰每為虛譽祇益慙况我所懷無遠近淮南
望罷望江南時蘇松亦有待澤之處不知曾霑否

過峰山口

遠望峒堯近等閒長城猶在白雲間峰姿樹
態休嫌少却是東來第一山
度嶺風披華黍秋山城古縣號懷柔此行觸
目思吾事詐為居高暢豫遊

雜題

亭屯拯溺未敢閒蒼生四海常思艱未遑老
安少懷志難悉物理民情間三代上治夫何
有十年前詩率可刪射麋麗龜聊快意猶喜
五石弓能彎

難易引

大難小易地戴天始難成易坤終乾一難衆
易君率臣外難內易型家人正難偏易守四
邊主難賓易酒醴筵白難黑易絲染然走難

飛易鳥鼠山精難粗易徵心禪行難言易九
仞泉守難創易鄭公言

村行口號

銅雀喧鳴熟晚禾田功頗勝昨經過未經更
願還勝此謂我無厭也任他

南天門

北谷晨行衝曉靄是處淙淙鳴石瀨迴谿復
嶺數十盤蓮宮始見青雲外到來初地空塵
心憑虛萬景牕前繪舉鞭旋復度巖扉真教

隔絕仙凡界天關虎豹信森嚴此或當然我所戒

長城

祖龍當日氣麤豪一世希傳萬世牢擬接碧天陵絕巘遂窮滄海駕洪濤防胡詎是圖其易延寇那思作者勞可惜蒙恬秦宿將椽人輕與賜歐刀

山田

山田關外佳村村期二鬴春夏值時若所幸

霑秋雨以此勝關內終善早登圃虛望彼其嗟實償此猶愈內外皆我民所願逢年普有懷每難遂殷憂繫心所

山田無土著大都齊晉民刀耕復火種壘障成塍鱗聞之其初來裹糧惟一身心計躬受勞或有致富人賦稅既以薄蒙古風更醇戶口茲日增藉以資饑貧後此非所知目前誠可因

雨

塞雨灑蕭秋繁聲入夜稠輕寒來覺驟婪熱
避如流蕎菜皆資潤豆禾未畢收怍怍縈遠
念畿內得霑不

涼

一嶂巖牆能爾為颯然涼氣馬前披由來不
藉秋官令直欲輕移造物時野水渡人心為
怯曉煙食店目因遲生衣兩日更綿絮境與
情遷乍可思

灤陽別墅

疊樹層榭盡態青灤江如帶瀉清泠湧金何
事稱圖畫浮玉端知在戶庭四季風光無盡
藏百城古帙有餘馨栖遲欲去還教住山鳥
留人亦可聽

小金山

縈迴波澹澈踞峙峰礧烟散容披榛風來
時落果棲巖搆虛軒每到必憇坐
聖人錫嘉名勝彼屋色裏饒占山水幽何事
香花妥一晌悟南華分疏了不可

避暑山莊三十六景詩 有序

我

皇祖建山莊於塞外錫以三十六景之名蓋
一邱一壑向背稍殊而半窓半軒領畧
頓異故有數楹之室命名輒占數景者
非若漢主離宮唐家別館彌山蔽谷猶
云未足也向曾恭和
御製原韻茲以駐蹕清暇復各題五言近體
雖不足以窺測

高深然劉昭禹所云四十賢人者或庶幾云

爾

烟波致爽

玉塞山原富烟波此處饒虛明疑漢上綺縠
漾雲標每愛秋蟾印長教暑氣消牙琴湯湏
數曾入

五絃調

芝逕雲隄

一逕界雙湖芊綿仙草敷探攜皆上藥招引

入方壺魚物潛還躍鹿馴來可呼
劖雲如有興記取十洲圖

仇英有著
色採芝圖

無暑清涼

太古日偏長朱明暑却歲有詩惟舉白作記
合稱唐松菊開三徑雲山貯一房金蓮紛映
砌心境總清涼

五臺清涼山出
金蓮花故云

延薰山館

洞達軒窓啓炎朝竄納涼松聲風入靜花氣
露生香竹素悅心永珠林味道長披薰今

昔意與物樂時康

水芳巖秀

智仁山水德結念喜雙清鏡朗羣芳照屏開
衆秀爭豪材誰擬議妙詣謝將迎本色義皇
代還忘蕩蕩名

萬壑松風

蒼翠鬱氤氳巘端細逕分四時無改色衆木
有超羣蓋影晴仍暗濤聲靜不紛髫年讀書
處終是愧尊聞

康熙壬寅隨侍
皇祖賜居此處讀書

松鶴清越

胎仙將壽客結友嶠洲中蔥蒨入森秀飛翔
樂遠空天垂四幕碧泉帶百花紅

色養傳家法齋名此日同 是處為當年奉
寧壽宮豫遊之

所茲於山莊內奉
居處亦名松鶴齋遵 皇太后起
先志也

雲山勝地

峻宇昔垂戒山莊今可稱地靈延晝永峯秀
蔚雲興結構因時勝遊歌所事仍年年奉
慈輦愜願祝如陵

四面雲山

軒窓徹四面巖谷俯千重奚數荆闕蹟堪尋
佳羨踪林踈為風拂峰現忽雲封策騎遵崎
棧時看白鹿逢

北枕雙峰

雙峰金與黑 西北金山
東北黑山 拱揖若來叅摧萎天

光接冥濛雲氣涵鸞音媿阮籍鶴度肖蘇耽

返照千林紫吟情落碧潭

西嶺晨霞

窓戶含西嶺晨霞亦可稱恍如赤城畔高出
白雲層映日真還幻隨風散復凝今朝準為
雨農諺有明徵農諺晚霞
晴朝霞雨

錘峰落照

曾愛文皇句唐太宗有初
晴落景詩高標物外情照亭

浮檻晃燭浦漾瀾明理境資強立神工謝巧

營倚天森玉柱擬待勒誰名

南山積雪

堯峯何所異積素雅宜看朔氣干霄白清威

幕地寒塞梅粘樹樹凍玉咽灘灘歌郢誰家
子應來曲裏彈

梨花伴月

盤迳入深秀雲居得畝平春來花正放壺裏
月偏明香色雙清境希夷一晌情神仙惟自
度詎必藉金莖

曲水荷香

鏡面鋪霞錦芳飈習習輕花常留待賞每到
山莊
雖深秋亦
有荷花香是遠來清緗蓋迎秋直珠囊帶

露擎楚人休制服同此樂衢亭

風泉清聽

出石泉惟冽因風響益清虹垂飲澗勢琴譜
號鐘聲江海他時赴雲霞此處生

當年川上意仰識在民情

濠濮間想

水木翳然處真堪會此心有懷虛以靜無俗
窈而深風度隨花蝶霜酣餉果禽天都元在
此那更數華林

天宇咸暢

洞府玉虛宇林扉守百靈三天無別路五嶽
有真形青鳥憑傳信紫鸞時駐輶瑶函降真
誥聞說是黃庭

暖溜暄波

遙源蒼嶠中暖溜早稱功滌蕩蒸雲似靈竒
仙藥同醴泉聞建武溫谷豔新豐利物天然
澤無誇闢沼宮

泉源石壁

錦流依繡壁霽色正開時喧寂均堪悟縱橫
皆合宜遊松擾麈塵唳下鳧鷺
聖蹟光巖穴翹瞻切企思

青楓綠嶼

青楓多秀色乍可傲霜朝樓榭惟存意烟霞
儘許招司勳權閣筆王子欲吹簫却望丹邱
迴何當過石橋

鶯囀喬木

山深悅鳥性喬木早遷鶯最愛清和節頻聞

覲皖聲雙柑思舊韻一部錫新名

山中一部
笙簧

聖祖小序
中語也

歌案觀宵雅嚶嚶倍有情

香遠益清

春光六月天照影濯清漣逸韻風前別生香
雨後鮮揚猗明塞日標倩暗溪煙松島蓮花
寺空聞十景傳

金蓮映日

玉井曾標秀金臺別擅奇輝輝爭日色灼灼
動風枝銀氣常蔥蔚晶光自陸離清涼愒相

訝

古佛實都茲

遠近泉聲

鑿石布垂瀑醜流帛裂湖泉堪傲虎釣峰得
號香鑪偶在叅天一閒憑味道腴醉魚時蹙
浪上下濺明珠

雲帆月舫

舟閣傍烟湖浮居有若無波流帆不動漲落
棹如孤慵慢披雲揭樓欄共月扶水原資地

載所見未云殊

芳渚臨流

孤亭據懸岬座俯水晶宮曦影錯金碧春流
泛紫紅塞情閒入古川氣冷隨風來者為誰
氏維詩味不窮

雲容水態

寄意屬空濶開軒見水雲波輕含蔚靄烟細
結漪紋飛鳥去向極遙舟望莫分祇饒風度
處依約櫓聲聞

澄泉繞石

一注亦何取端宜石與停動中原有靜秀處
總能靈出匣寧非玉支機本是星山花將釀
酒可以駐千齡

澄波疊翠

峯翠落湖心悠然意與深遊魚欣覓樹飛鳥
訝迷林
宸藻猶雲日崇情自古今烟霞蟠水府深夜
有龍吟

石磯觀魚

野水時深淺遊魚意更嘉名奚辨鯉鯪樂豈
避鳧鴛或躍浮波月閒喁落壁花坐磯竿不
把適可悟南華

鏡水雲岑

水鏡涵虛朗岑雲遠接連儘看流動意不著
象言詮嵐影落空翠波光合暝煙仰叅兼俯

察

皇祖御題有懸

象俯察仰叅之句

睿題全

雙湖夾鏡

長橋界平渚雙鏡恰連波蕩槳蒼蒲隱鳴鞭
碧浪過春烟低岸柳露氣襲汀荷白也詩無
敵於斯津逮多

長虹飲練

垂虹天際亘望近到猶遙象渚源瓊曲鷗波
影綺搖城疑乾闥幻樂是洞庭調屨步披三
秀何殊陟紫霄

甫田叢樾

膏壤傍雲涯芸芸動植皆含生適真性妙趣
託澄懷試馬掄懸鏡玩鷺辨折釵周詩徒頌
武未若此間佳

水流雲在

留懋觀雲水澄渟會意悠逐章經徧和五字
更從頭遊豫無非事經綸有大猷日流日常
在

聖意照千秋

聞江南得雨

吳下昨秋稔浙灾近呼庚牽連告糴多米價
卒未平黃梅今歲霑早稻擔石盈邇聞夏杪
早晚田苦久晴南望傷我民何時遇豐亨大
吏來奏章秋霖幸盆傾高原縱無濟下隰仍
有成稍可救眉燃安能釋心忤

樹根筆筒

卉木知何種盤根見此餘居然遭劫火可以
付中書密理成文采生機憶始初翰筵佐清
供外樸內涵虛

八月朔日作

夜雨釀晨寒午暄柏秋熟山莊駐清蹕遼待

玉輪足

將于此度中秋始進木蘭

問政勵憂勤劬農常度

卜闕內近優霑僅及資菜菘夏中希大有此
志實欲速孤望得小稔畧可濟悖獨悖獨難
遍濟如傷此為惡

霧

空入嵐烟忽滿庭騁眸乍失遠山青濛濛衣
濕非飄雨惟覺巖花發野馨

清舒山館對雨

山雲漏日午蒸炎準擬今朝塞雨露屨步長
橋纔瞬息珠絲先我掠前檐

水何分別祇覺瀟湘意與然

山莊駐蹕尚斯須漸石無勞歎僕夫今歲秋
霖不愁過還愁闕內飽霑無

簷響泉聲互酌斟颯涼頓覺襲衣襟無端失
却西峯色遼待時晴取次尋

登四面雲山亭子

亭子雲山竄高處停鑾未肯頻臨駐聞之地

靈神所都隱虞為我勞仙馭崇壇案衍實佳

哉能辭偶爾一徘徊屈指六年登六度每登

必有風雨來今朝秋宇澄新霽林扉跋馬鳴

聰轡孤亭小坐未俄延前楹修復烟絲綴飛

空掠樹不踰時長天一碧懸清暉千林葉葉

翠難狀萬峰濯濯青偏竒風為車兮雲為馬

山之靈子翩其下洞庭張樂信然乎何必曲

高和者寡

新月

中秋初度月近塞此迴看恰好生銀漢依然
映玉欄入懷真是潔盈手不妨寒詎肯孤佳
景留攀桂樹團

暄

農父有常諺秋長喜倍深雲頻霜避菜日燥
暖依林未可拋紈扇何妨濯峽琴山中足清
暇無斃協時心

題永恬居

簾垂四壁幽窓入千峰絢櫨梨熟自落野菊
艷初綻青密鳥未驚紅殘蝶餘戀誰與幻山
色輕雲飛一片便可寄題興舒箋揆柔翰

千尺雪歌疊舊作韻

凜秋無雪雪乃有宜在玉塞崇山山之後層
陰積氷彼其常夫何近帶山莊映軒牖奔崖
飲澗噴瓊花旬旬磕若衆響紛交加八音六
律此繁會似過摯干繚缺方武陽襄家君不

見繪事後於素又不見土鼓先雲護我非子
也在川上乃亦因心愜清悟滄滌澗澗且
溪駕鷺麕鹿徃復還試看一放勢莫禦其始
涓涓滴滴滄滄山之灣瀛流曲折階前灑雪
色雪聲交上下去年種樹初點綴今來翠幹
已盈把北何鴈磧南何吳一家中外咫尺夫
取名聊爾寄清賞豈知清賞原在神仙區便
教溪側安茗鑪綠杯香雪書澆吾秋雲在天
水在湖興於雲水了不殊

角鞞歌有序

古之繕人掌鞞決之制以象骨為之其
時不通北塞便無過于象骨者然象骨
脆而易紕類不如今之堪達漢角也堪
達漢者出黑龍江似鹿而大爾雅釋獸
所謂麋者音義均近烏頃命玉工倣角
鞞琢玉為之既已屢命子墨而角鞞未
免有數典之歎且用之三十年矣置之
羣玉之中氣象穆然足以鎮之故長歌

以通其義

角鞞角鞞予所服卅年一日心手熟鉤弦省
括觀德資指揮如意淳風穆象牙彼哉雷驚
紋南方之強機心存未若麋角出北地內外
如一剛不皴我愛溫和易玉為規模考度泐
以詩漢時古玉鞞亦有製窄且橢匪適宜著
簪由來貴舊物角鞞冠玉非翦拂恰如王謝
數家風本色衣衫勝纓黻

對瀑

漫數香鑪復呂梁紳垂萬仞闢鴻荒侈聲嫵
柞舁聲鬱玉色猶温雪色涼無間斷惟赴谿
勃有形容亦隱烟光詩人南國多雕績仙境
伊誰合品詳

賜蒙古王公等宴

青海何曾阻玉闕清秋來覲忘途艱

蒙古四旗

以及喀爾喀青海有未出痘者多因塞上行
圍來謁今歲于小莊度萬壽節故畢集是地

俟行

可無三接酬誠素况復萬幾當務閒未

習朝儀瞻北闕許隨典屬祝南山嘉賓旨酒

同和樂

仁祖懷柔想像間

截漕詩有序

國家歲轉漕東南天庾賴焉遇偏侵或
特恩即其地截漕糶賑之非需賑未有
以截漕為言者比民間米價日貴雖稔
秋因採買輒益昂爰勅截留楚浙西江
漕米各若干以補常平蓋今太倉充羨
間行之亦酌盈劑虛之道耳恐司牧者

未喻作詩示之

截漕濟災區初偶今成例匪災仍截漕自我
排衆議持籌慎所思論亦經遠計獨是秋稔
處官糴輒翔貴陳陳致紅朽孰與資博濟以
此足常平市價自平易德流則何有效頗速
郵置湖南報有收江右稱乃積二省聽流通
天下可無事補救殫我心豐亨賴

天賜京庾實本根儲蓄貴有備申命方伯臣
惠不可常試

桂

金秋麗日霽光鮮
恰喜天香映壽筵
應節芳姿標畫格
一時佳興屬吟篇
賡歌東壁西園合
風物南邦北塞連
幽賞詎惟增韻事
更因叢桂憶招賢

錘峯歌

在天有六星開德
宣符贊鴻運在地
有崑崙嶰然中峙
四維鎮崑崙一支
走華區壇曼案衍
羣峰都五嶽五鎮
列方隅扼吭拊背
據其

樞神禹行水跡雖
遍天秘地鑰無繇
見小試僅得及底
柱至今䟽導傳寓
縣靈臯奧壤應有
待乃迴

堯顧怡八彩帶河
襟巘闢仙莊卓然
峯立東岡在東岡
峯立初無名象形
闡義錫嘉稱宇宙
以來便有此惟

聖人通天地情造
物妙在鑪錘間奉
三要達神明權平
施稱物無容意治
崇金鑑千秋傳八
柱何當一已足馬
援標名笈銅沃春
來簇

往集言二集 卷三十一
簇自為繡雪後晶晶幻成玉穹窿高矗飛雲
流亭亭入望偏宜秋一輪冰鏡正圓滿憑將
掛著千山頭

疊中秋帖子詞韻仍命翰苑諸臣和之

有序

湖山有竒遇亦待其人風月無盡藏恰
當今日若夫龍堆雁磧南方曩視為畏
途而茲御苑仙莊翰林羣稱云佛國樂
樂利利敢忘經始

文王語語言言載奉無疆

壽母峯姿波態都覺秋清寶月慶霄適如人
意徵詞選律勝彼眺蟾望鵠之為錫爵
頒饗惟是合樂聯情之舉蓋經五作仍
續四章

倚樹吳剛不耐閒繁柯取次著修刪數枝恰
向仙莊落便覺天香滿塞山
端正輪規朗潔光桂宵無物不含香綵杯銀
管休孤負簷際徐移輶漢廷

往集言二集 卷三十一
恩科萬壽試京師個儻伊誰玉局詩且共從
臣賡綵帖好看磧魄徹滄池
徘徊真是倚瓊樓風物今宵繼昨秋法曲梨
園渾厭鬧玉簫水調按歌頭

中秋夕

玉塞廣寒宮人間迴不同近天惟直北出海
便昇東盈手光堪掬入懷情自通輕雲如解
事故與作朦朧

